

樹經堂詩初集

補史亭草下

南康謝啓昆蘇潭

讀全宋詩仿元遺山論詩絕句二百首

三館頻賡險韻詩無才應副近臣知削平萬國親書史

飛白頒來白玉墀

太宗

賞花故事豔前聞禁藥徘徊旭景分瓊管織成錦臂字

桂香草色兩氤氳

仁宗

金庭教主劇風流綽撥斜門賦擊球禾黍故宮回首望

一燈孤館雁飛秋

徽宗

六龍轉轡渡江來試探春風嶺際梅越水南行花似錦

燕山北望雪成堆

高宗

冷泉翠色浸波濃移得飛來石一峯澄碧玉津春宴罷

湖山滿目憶開封

孝宗

遷都無計避臨安塞外秋風一葉寒永作金臺不歸客

孤山幾度落花殘

瀛國公

桃李空羣內苑花六經墨妙續官家彎弓頓使金師却

悔不鬚眉裹阜紗

吳皇后

第一臚傳魏國先宜春帖子頌王賢追隨北狩蒙塵日

屬對猶工落木天

憚玉楮

衣鉢傳來第十三初離白紵換青衫清風扇處無冤獄

他日登庸故事諳

范質

五客當軒戲五禽玉堂揮翰重千金昇平盛事臨川羨

法酒宮袍賜禁林

李昉

氏族多從肉譜稽蜀箋自寫浣花溪繩樞草舍饒幽意

五鳳樓高未許齊

韓滉

水甌雪椀浣清詞學士聲名上赤墀牢落晚年叨寵遇

御屏風寫十聯詩

楊徽之

黃閣遭逢憶起家，讀書龕外雪飛花。
洛陽第宅承恩澤，

水上新亭號饅瓜。

呂蒙正

談經御座富多聞，茗果頒嘗目未經。
老去漸能精格律，

浮聲切響悟休文。

李虛己

西臺筆跡繼楊風，傑直閒吟御苑東。
洛水繡衣清照影，

舊題湘岸酒樓紅。

李建中

髫年滿腹貯精神，三入承明上紫宸。
五季頽波迴砥柱，

樂天後進杜前身。

王禹偁

月明縱嶺偶題詩，豈有神靈爲護持。
僕射園中景如畫，

春深桃李臥閑時

鄭文寶

相公無地起樓臺清節遙傳北使來不斷柔情春豔曲

簾前蠟泪已成堆

寇準

翰林清要職司全特署冰銜領列仙入道雲鬟誤申國

都中傳唱鷓鴣天

陳彭年

白首回思及第初淋漓堆墨八分書亭名俠老娛詩酒

時有名花慰索居

陳堯佐

白衣修撰姓名揚韓柳誰云敢抗行曾歛惠泉師說法

可畱詩板在鵬堂

孫河

符瑞偶~~言~~嶽夢靈天書忽下醴泉亭風雲契合無多語

秋色衡陽上素屏

王欽若

會過華嶽倒騎驢賣藥江城與鶴俱孤權夜歸烟月上

輕綃更寫咏潮圖

潘閔

移居一幅藥囊隨處士攢眉有所思穩著莎衣吟釣艇

郵亭不遣紫袍知

楊朴

昇平格力數文公芍藥翻階夜晏同香散水沈宮漏永

天書封罷熟泥紅

楊億

文章三虎峙江東懷玉山人願盼雄優孟譏嘲何太甚

西崑猶襲晚唐風

宮詩典則百篇收能使陳王狎客羞卻怪仙妃曉寒句

春綃珠箔亦風流

宋白

西清酬唱玉河斜學士流傳忠孝家屏上牡丹九十種

殷勤愧進洛陽花

錢惟演

記會三度竊蟠桃內熱交攻亦太勞館閣餞詩經御選

凌風鵬鷲入秋高

劉錫

何當掉臂入天門萬里珠崖夜聽猿草解忘憂花解笑

晚來知命百篇存

丁謂

一幅睢陽五老圖

杜衍

夢中縹緲遇神仙，白玉樓高漫比肩。十二峩關空綠隱

曉，寒更擘衍波箋。

蕭貫

履霜一操寫朱絲，滿目詩情野望時。管領春風無限意

何妨別後寄臙脂。

范仲淹

豹林栖隱幾春秋，種秫空山號醉侯。愧少微稱處士

左司封事阜囊收。

种放

誰寫扁舟泛五湖，名成身退學陶朱。建儲却被當朝忌

學舞昭陽柳一株。

陳執中

書破遙空鴈字橫
聯吟小掾早知名
屏間秋興邀奇遇

天子親臨一座驚

王奇

三班借職奇男子
劇飲高樓識者稀
春老鶯聲花欲暮

芙蓉城上去如飛

石延年

遣畫幽居喚不磨
曉窗分火似孤僧
爐中燒葉饒風味

六一評詩得未曾

魏野

生涯一室如龐蘊
竹友雙清共幼槃
擁帚誦書聊復爾

閒吟蝴蝶上闌干

謝逸

樓臺烟雨簇江城
占斷湖山處士名
爭誦暗香疎影句

何如籬落一枝橫

林逋

禁苑華纓占上頭
更名臣向本書劉樓船
卻御西池宴

比較閒空一字優

宋庠

高然椽燭夜簾虛
侍史成圍退食餘
已是神仙兼富貴

何愁悶殺宋尚書

宋祁

元豐類稟舍人詞
二載東風對景時
山色接藍泉噴玉

先生誰信不能詩

曾鞏

漫嫌雕琢失天然
吹徹浮雲奏管絃
臥雪圖空人化鶴

江湖華髮老流年

王琪

關古堂高畫像尊曉枝風定蝶爭喧廿年再侍台司宴

老圃秋容晚節敦

韓琦

匹馬仍尋舊路歸雷琴不去鶴仍飛白鬚再領成都郡

戲綵堂前賦綵衣

趙抃

雕鏤駢體五朝風韓子遺編廢麗中文似史遷詩太白

知心一代兩文忠

歐陽修

報國孤忠在薦賢誓言寧爲利名遷解官自訂歸榮集
有俸栽花不買田

秋老梧桐橘柚寒語從平易出艱難廬山高詠明妃曲

一幅烏絲寫素紈

環滁花木醉翁亭逸操冰絃穎上聽絕壁蘇文神洞語
遲公鸞鶴許昌齡

奉使機宜記大遼峯登雞子館岩巖天津宅昨誰過訪

風雨深更話寂寥

富弼

西京畱守會耆英第二人推福德并貝葉重尋花藏富

少林一宿夢魂清

文彥博

秋千三影泥郎中傾倒詞場
燕鶯鶯狂典在

老隨蝴蝶逐花叢

張先

直筆爭傳罪諫官如何亦准小龍團夢中詩句烏雲重

真跡摩挲墨未乾

蔡襄

陣腳堅凝拽動難姦諛未死骨先寒
瀛陽遷謫饒幽典

碧落中開乳洞寬

唐

汶上閒看燕子飛新人按曲舊人歸
寫真自愧流年速

鏡裏蕭騷兩鬢稀

李師中

成都按事走花驄楊柳妖嬈謗語空
要識潞公如皎日

非關御史惜春風

何邨

淺斟低唱曉風清三變填詞獨擅名
贏得年年人上塚

萬花雨泣弔耆卿

柳永

不須駟馬跨翩翩史館從來二十年長嘯能教契丹卻

歌詞翻讓柳屯田

范鎮

獨樂園開洛水東知名走卒與兒童深衣散步天津側

鷗鳥相忘鶴髮翁

司馬光

誰人妙句似獮郎疏越朱絃咏歎長鑿險鏗幽出新意

偷將太液對披香

王安石

晚歲華嚴入定林脫胎換骨妙因心鍾山一棹通京口

綠到江南水又深

預宴東堂暮鑰殘曾看虹氣吐毫端鰲山鳳輦觀燈夕

恰稱人呼至寶丹

王珪

五見宮槐侍帝京滑稽幾度絕冠纓茶能作病非因酒

風月關河唱渭城

劉攽

涪翁句法悟師資秋月澄江謝朓詩十色華箋畱諫草

斑斑虎豹得佳兒

謝景初

白牛居士住江潯一謫廬山歲月侵五老峯前跨雙犢

飛泉醉石碧雲深

陳舜俞

桐木韓家翰墨香除灑浪說冠詞場綠樽紅雨芳菲節

又濕春衫賦海棠

韓維

官齋宴坐靜無譁
鬪墨窗明日未斜
白鶴柳眠青萬縷

酒闌人唱雨中花

張公庠

築室濂溪清且漪
廬山風月詠歸時
柴門花落昏鴉散

小立闌干有所思

川惇頤

氣豪凌轆墨花狂
古淡應無世俗妝
買得清風明月在

醉搖畫舸臥滄浪

蘇舜欽

都官秀句似寒郊
窮乃工詩自解嘲
上竹鮎魚三十載

晚年史局得親鈔

梅堯臣

花孃哥好惜春非驚起鴛鴦比翼飛六一琴囊遺韻在
傳看春雪繡弓衣

御史狂言疾憤多燈籠錦出蜀江波宛陵書竄無嫌避
萬里投詩弔汨羅

謂唐介也

西臺風格似徐陵東野清寒亦可憎皮骨幾人摹杜甫
削成太華露陵嶒

蘇軾

玉笛橫吹赤壁磯新聲一曲鶴南飛英雄事去山川在
月白風清夢縞衣

彭門河復賦黃樓水利杭州又潁州雲卷葑田疏舊井

月明淮水鑿新溝

眉山家學振詞林地負海涵金玉音歎息奇才邀寵遇
一場春夢粵江吟

作詩形似定非詩佳處相逢老畫師天女散花吳道子
妙參真契悟毫釐

四海知心弟與兄連牀夜雨憶同聽東窗讀易互師友
飽啜藜羹燈火青

出頭曾避歐陽子論事不容司馬公死後維摩參箇裏
生前磨蝎是身宮

黃州築室號坡仙
冤雪烏臺聖主憐
陽羨買田辜夙願
數竿修竹小斜川

蠶市春風共踏青
再顛再起各飄零
海南一去無消息

遺老空齋夢獨醒

蘇轍

毅父清江掩二仲
咄嗟點畫費工夫
金壺冰澁城更死

歲晚西齋自擁爐

孔平仲

流民圖繪上銀臺
萬里君門逐客回
一拂虛堂無長物

鐵冠道士夢中來

鄭俠

高鞅韓門排孟竈
長歎世網挂珠絲
原蝗更作夢蝗語

勝讀盧仝月蝕詩

王令

數畝橫渠萬木青晝暮粥坐談經由來濂洛多風雅

豈獨東西勒兩銘

張載

鷓鴣滄浪奏漁笛夢中鸚鵡喚琵琶青蠅託刺吟車蓋

漳水歸來失豔花

蔡確

窟名安樂洞長生履道坊西卜宅成過從諸公接羅倒

紙簾愛寫小詩清

邵雍

造物爲徒譽豈過誰云水炭起東坡光風霽月饒吟趣

壯士秋懷泪下多

程顥

春陰百斛釀春愁險怪還探石室幽浪語商羊追浪叟

松風谷裏韻颼颼

薛季宜

延州石液秀州茶江北江南何處家人夢溪山京口宅

清談揮麈筆生花

沈括

煙江疊嶂墨縱橫蓮葉催詩潁水清醉墮金釵思往事

後堂那復囀春鶯

王詵

靈芝宮殿管簫吹長樂鐘鳴下直時內翰鈔詩來鳳沼

雞林價重遠人知

王安國

浮休居士謫彬州烏帽黃花滿眼愁
印碧蓮詩囊上

白髭撚斷苦雕搜

張舜民

先生笑聚鞞材良萬尺寒梢月影長苦口戒言天下事

此君說法劇清涼

文同

舊圃流杯寵賜時醉鄉堂啓客吟詩桃花三樹隨人去

漏澤園中葬太師

蔡京

離騷課罷滄花磁想見揮毫對客時亂絮嫣紅何處覓

朝華重遣鬢成絲

秦觀

薔薇芍藥春風句落葉青蟲秋日詩未信女郎工此曲

看雲謝客已多時

夢蝶真人客夢賒多情相惱說梅花西風吹墮藤花淚
甕社珠光掩月華

日落銅陵春水生空傳佳句似淵明雲巢小築橫秋浦
舊物摩挲几研清

沈遠

肉山六月火雲蒸汗雨飢雷兩不勝梧葉迎風秋未老
冷吟城角耿青燈

張耒

節孝山陽處士家枕書五月待榴花衲裘甕飯吟詩好
淮水春風訪仲車

徐積

鬼頭端合號書淫梅子黃時對雨吟未讓馴狐豪氣在

尋詩蠟屐慶湖深

劉鑄

不羈生馬勇能騎
朗誦盧仝月蝕詩
夾鏡波光帆倒影

松江奇景令人思

蔡肇

都下尋春動蔡奴
簾前一斛撒珍珠
橫塘戲語嘲耆老

比較雌雄蟹味殊

沈備

槎泛金山挂斗墟
蘆花風斷一江漁
捋鬚善謔賀梅子

傾倒吟沙龍太初

郭祥正

風物錢塘七述尊
文根經術屏浮言
耽吟自笑同雞肋

解組歸來賦小園

晁補之

誰知秀老格標清
山月高時虎一聲
初日芙蓉碧流映
書來便面好風生

俞紫芝

有美東南萬景收
浮暉水閣壓湖州
圖成付與雙荷葉
他日懷蘇記唱酬

賈收

芙蓉掌上見盈盈
一曲傷春兩地情
瘦盡休文腰帶減
樽前私語下簾聲

王山

青社詩翁咏伐檀
尊中日月客懷寬
瓣香雙井家風在
正性長存滄肺肝

黃庶

冰雪文心淡不言
江梅佳實託蘇門
隱居伯輔公評失

豈識搜奇出性根

黃庭堅

詩派西江認詩祖
柯亭之笛費中琴
八珍饜飫筋難下
海上江瑤風味深

玉皇仙吏謫人間
關綸天開自往還
身是金華牧羊客

廬山飛瀑聽潺湲

余家藏山谷廬山聽瀑小像

丰神酷似王摩詰
皖口丹青李伯時
蟻鬧南柯爭得意

忘機蝴蝶罥蛛絲

賓從歌船豔一時
纏頭百萬李師師
西方不及生兜率

焚卻平生舊著詩

晁公之

磨淬功深費剪裁，願心門下數清才。諸方參徧通禪悅

法眼拈成信手來。

韓 明

妾命身輕主見憐，感恩有淚徹黃泉。南豐去後無知己

白首侯芭泣太元。

陳師道

遙天鶴唳尤，聽地榻孤吟。臥半醒一願，傾城須著眼。
羞隨時態嫁娉婷。

少年觀海壯高秋，幅遺箋利病求。乞得湖山賢太守

春潮舊事其添愁。

陳襄

惱人風雨菊花辰，忽遇催租敗興人。異日相思謝蝴蝶

一觴西望楚江濱

潘大臨

崑崙臺北望天涯風土千言到蠟茶句漏洞天心事在

三年贏得鬢絲華

陶弼

才名伯仲豫章多蛻骨其如晚節何風月隨身煙島外

黃能無計出鯨波

洪芻

橫塘春綠滿東湖不肯因人作步趨風節涓陽真不愧

閩中有婢喚昌奴

徐俯

團扇秦黃和小詩北窗吟臥入秋宜方行萬里車無軸

黃壤驚埋白玉姿

邢居實

蟾蜍泪滴硯山舍一片煙雲海岳菴竹簡漆文書篆句

虹光夜夜燭東南

米芾

三傑同科孰頡頏稍加筆力望高郎如何媪相門中客

解共黃公賦國香

高荷

密賜黃金奉詔還又編黨籍別家山鱸魚蓴菜吳江夢

斜日秋風釣艇閒

陳璣

雲間三種透禪宗燕語石林同不同盟府山河傳玉帛

分明和議附秦公

葉夢得

艇齋遺集歎遺珠東郭悠然會意殊白雪滿頭書滿室

斜陽午夢到南湖

曾季狸

參來妙聖本安禪
活法靈均任自然
試問西方與兜率

西江衣鉢向誰傳

呂本中

太古空山日月多
風流人號小東坡
內前行爲商霖作

更唱羅浮秋馬歌

唐庚

靈武中興事畧同
尙書御賜特褒忠
丹心竟被咸陽阻

天上箕星駕海東

趙鼎

千巖亭好共尋幽
趙相同時切憤憂
跼跼飛鳶炎瘴外

青鞋布襪古藤州

李光

東閣筵開羅綺陳酒闌詞唱漢宮春未成鼎實心先苦

吹落梅花淺水濱

李邕

詞人枉誌万侯墓妙語難忘居士詩落日孤烟妙光寺

亂山環處柳如絲

孫觀

納侮自焚禍將及燕雲之役識先機詩書滿腹憫流落

曹沫事乖謀豈非

宇文虛中

居士尋詩墨未乾杏花消息雨聲寒誰言詩到蘇黃盡

萬里南行眼界寬

陳與義

舊游夢寐侵真館文字因緣泛碧齋歸去來兮蘇玉局

梁溪和罷一摠懷

李綱

一簞疏食寄生涯
亂後商山未有家
四海伊川得高弟

晚年講席侍金華

尹焞

勤王匹馬別松楸
太息東征報國秋
十萬虎貔方應募

休兵詔下盡臣憂

宗澤

占得鰲頭紫府仙
顏公書法杜陵篇
咸陽死後免羅織

簾幔風垂禁直前

張孝祥

江表秋風躡翠巖
樓蘭千古恨長銜
游魂經略中原徧

亂上詩成下界參

岳飛

長脚相公罷鬪碁五羊城畔謫居時宸游玉輦題紈扇

夕照蒼梧帝子悲

康與之

竹坡居士真知己流落黔南憫阿香四海無雙黃太史

清詩能洗病膏肓

周紫芝

淵源句法授東湖高義蘆川闊亂餘縹軸嘗哀亾友帖

幽巖特著報劉書

張元幹

黃旛褻葬骨猶靈上界清涼夢不醒身在北方盼南極

臺山松柏至今青

騰茂實

旗卓空營敵已驚誰教宜撫壞長城渭南水竹何時到

可惜連呼鐵象聲

曲端

溪西一杖倚秋郊遺橐曾經給札鈔流水三間分半席

空山想像白雲巢

鄭樵

名士西江南北宋前三洪與後三洪蓬萊閣上談經客

更詠璠花別館風

洪道

亂後豐碑剔蘚墓臨池墨本半模糊梁園草綠孤臣泣

不忍安居望玉輿

劉子翬

滄洲病叟亦耽吟往復鷺湖辨古今感興齋居慕感遇

皇羲妙旨契元音

朱子

花落鳥啼心會處滿浮大白嘯公詩一春不死窮仍在

垂老孱翁扶兩兒

歐陽欽

水閣三間近可棲蘆花深處是苕溪春寒小院雨蕭瑟

仲雅宮詞依樣題

胡仔

青衣道士問行藏南國頻添數尺堂幾度買田窮鬼笑

祇餘妙曲擅周郎

周必大

一曲清溪訪越來西風楚客重徘徊三邊館伴哦詩罷

萬里橋頭載酒迴

范成大

永天柱海夢魂非路入橫塘燕子飛閒坐息齋殊不惡

家人檢校石湖歸

筆掃千軍七步吟語穿月穴透天心
雷雲供我閒身住

兩字誠齋賜禁林

楊萬里

聽風聽雨坐齋房桃李新開九徑香
不爲南園汗汗筆
東園晚步卻徜徉

竹外籬邊見一枝歌殘玉樹落梅時
台州誦政光堯識

錄得東湖四詠詩

尤袤

一賦梁谿號遂初度騷婉雅自容
與長謠寫出淮民怨

舌上風雷落紙書

輔相能還元祐年

時號小元祐

十龜元吉史書編晚安園賜

漁莊側尚貸官家質庫錢

鄭清之本人名變

萬里橋邊倚斷虹吳箋三百寫春風小樓杏雨臨安客

早有詩名入禁中

陸游

南園作記豈公心不爲華裊鼓阮琴及讀臨終示兒句
始知報國愛君深

切響唐詩少繼聲四靈同擅永嘉名懷人秋雨春風外

句法傳來五字精

徐照

挾雨幽泉客夢遲來青館上自題詩

自註來青館有西二詩頗可喜

銘悟徹橫渠旨休咎何煩問相師

真德秀

氣味真如著露蘭一枝春色不能關可人更有西湖句

同過殘年白鷺閒

葉紹翁

瘴海愁深客路難涪翁分得樹陰寒後來知我桐鄉意

詩和龍尋舊長官

朱繼芳

畱題醉墨甲寅哀捕卒樓中鼻壁來宰相頭顱和敵去

臞翁教授海門迴

敖陶孫

隱居自愛樓居適一樹梅花紙帳邊好道好書兼好睡

不容人到草堂前

吳龍翰

嚼鐵兔銜萬古深金陀玉楮自編吟緝熙殿裏春芽賜

御札淋漓感寸心

岳珂

點瑟方稀正則詩馬塍花霧隱參差生薑門外山光好

短日疎籬唱橘枝

葉適

雲壑尚書工大字九霄環珮韻雷琴續成黃扇安榴句

殿閣風微禁苑深

吳玘

希顏自許孔門參侍講經筵進葛覃麗澤亭前歌伐木

風篁水月匯城南

張栻

桂隱軒頭醉客畱南湖寫物劇風流茹水餐雪窮詩叟

方外知心問白鷗

張鑑

竹裏梅花帶雪吹
小紅低唱琢新詞
裁雲縫霧清無敵

除夕茗溪十首詩

姜夔

後來壓倒四詩翁

謂尤楊范陸

不怕詞人到老窮
源出千巖

雙白石

黃景說巖老亦號白石同學詩于蕭千巖

斲輪畢竟讓渠工

雅樂流傳老布衣
古風三百太音稀
南山若士傳詩法

剡水忘言一棹歸

白蘋荒塚徑紆斜
野鶴孤雲水一涯
淒絕暗香疎影曲

那禁啼損馬塍花

滄浪逋客論詩法第一禪宗數盛唐海內橫流誰傑出

大乘法眼是蘇黃

嚴羽

道人好事集江湖臥看桐陰自買書詩禁未寬吳紙賤
苦無一字到芸居

陳起

跌宕潭州射策高醉騎黃犢唱離騷瀑泉灌頂寒吟口
骨似梅花死也豪

潘枋

碧雲紅葉度新腔詩酒叢林豔少雙柔櫓孤蓬三萬頃

卅年舊賦憶秋江

張端義

兩朝將相推南仲事業還兼翰墨新避暑猶嫌團扇弱

續詩婢子憶紅塵

趙葵

治亂千秋覆轍循
丙丁龜鑑直言陳
寒城落日靈芝寺

痛國誰憐宋逐臣

柴望

刻燭文成憶少年
四明文獻尚流傳
宏詞似海紀聞富

只得深寧詩五篇

王應麟

錢唐書賈鏞詩集
南岳同編勒一家
莫怨東風司柄鑰

十年被累爲梅花

劉克莊

滿地蘆花燕子飛
杜鵑叫血帝魂歸
六歌腸斷亂離後

燈火青原魂夢非

文天祥

冬青樹引泣寒灰商婦宵吟慘客懷
竺國經傳雙匣在
竹籬暗費鑄金牌

林景熙

琴師供奉戴黃冠墨泪痕添賜硯
斑草罷降書六更殺

醉歌愁對北邙山

汪元量

紫雲樓閣草離離落日西臺哭
所思汐社同編風雨集

招魂惟有子陵知

謝翱

一坏風雨哭冬青義士同聲夢
感靈餓虎耽耽鎮南塔

誰知真帖剩蘭亭

唐珣

鑄金不怕北風寒百廿圖成寄食

卻怪先生頭可斫

何曾汗墨畫春蘭

鄧思山

忍飢終日滯吳東
賴有忘年楚兩龔
黑馬畫成兼瘦馬
可憐兒背起風駮

龔別

天樂堂深夜誦經冰
懸雪跨玉瓏玲聲
聞已墮碎支果
飽喫梅花句亦馨

趙師秀

六朝風味米家船
艤棹孤山是謫仙
松雪入門嫌汗坐

墨梅寫罷夕陽天

趙孟堅

晉陽草

南康謝啟昆蘊山

乙卯仲秋將赴晉藩之任同人餞余於湖上卽
席成詩二首書以志別

鴻泥曾印六橋來桂子荷香兩度開

余以去年中秋日
視臬今以八月二

十二日
卸篆

識面雲山應有戀
親人魚鳥本無猜
江臯露下

收紅稻湖水冰清飲綠醅
時向白蘇堤上望前賢接踵
愧非才

好風吹上木蘭舟
放吏花前得暫休
宦轍遷移須立脚

故人聚散重回頭，泉流俯響清宵夢。墨淡煙濃碧樹秋，
奚鐵生爲余畫兩浙名山探未徧，太行又向望中收。
西泠別意圖

重陽前一日登靈巖作歌

我從於越來，東吳雲氣茫茫連。具區左右洞庭三萬頃，
形勢可以吞西湖。靈巖拾級籃輿上，綠浪黃疇平似掌。
漁舟箇箇貼江天，樵唱村村諧梵響。石路盤迴到上方，
塔影倒浸玻璃光。闔廬池水涵明月，大業鐘聲振夕陽。
不到此山廿三載，苔痕履齒今猶在。彈琴人去彩霞飛，
步屣廊空霜鬢改。預支高會作重九，領取秋光入杯酒。

去年今日客題詩三竺黃花六橋柳滿山紅葉一僧歸
夾岸晴嵐有鶴飛玉簡金庭操左券重來訪道問靈威

靈巖別館二首

尚書營別墅割取半山來勝蹟因公重幽扉爲我開何
時容接履秋日獨登臺瞻念荆湘地持籌倚上才

石硯

山房名

今餘幾花溪果有無草幽通別徑山好自成

圖畫舫飄殘桂雲巖落碧梧徘徊不能去聊此寄清娛
九月十三日重過鎮江府治悵然有作簡賀虛

齋太守

官閣簾前五株桂別我丹顏廿三歲不禁秋氣鬱蜷
似向人前訴憔悴當年守郡乘青驄花閒判牘氣如虹
三山暖翠浮雕檻萬派江聲入畫櫳瑪瑙杯傾愁酒渴
倒捲銀河吞曉月手種梅花三十株巡檐索笑嚼冰雪
別圃軒開紅雨霏官閒較射耦成圍月黑燈紅重的破
鷗鳴箭落一星飛枕上驚濤桐葉雨望海樓高不知暑
圖畫風詩有斐篇江山天下無雙處黃菊成屏錦作堆
鸞環象鼻荷爲杯賓從燦花談滿座簿書一掃淨無埃
質庫連萼戶充實任氏家童計然術瓊城燈火動西風

瓜步林煙映斜日自從騎鶴上揚州
蕉鹿紛紛一夢悠
江淹賦別歸南浦謝朓臨風憶北樓
重來管庫袁公浦
陳臬武林愧無補三江風雨座中收
兩越雲山渺何許
維舟徙倚京江亭夾岸棠陰猶自青
故老能言前守事
天香竟換舊時銘
賀監偶儻今詞伯
軒檻不移花鳥適
我無墨妙集東坡
憑仗新詩紀陳迹
余擬望海樓紅雨軒有斐亭今皆圮

天香書屋題額亦已換去
因囑虛齋爲余重裝懸之

九月望日邗上同人餞余於康山草堂卽席得

詩二首

有約秋風續舊緣踏歌曾聽此樓巔數加七子同詩社

與會者十四人

節過重陽細雨天錦段生花如昨夢

謂園主人琵琶

奏曲想當年分明一片西湖月又照虹橋廿四邊

曲水高臺事已非攀留父老故依依臨期尚唱公無渡

既醉猶歌客勿歸前輩軒騰鸞竝峙

謂謝未堂張松坪兩先生

諸生

談笑玉成圍墨痕化作紅雲去已逐丹心捧

日飛

九月十八日舟泊袁浦河帥蘭素亭先生偕僚

屬宴余於官署感賦二百四十字

水落魚龍蟄天清鴻雁翹皎皎淮上月照我越中裝越
裝亦何有兩袖西湖光故人喜我至翦燭治壺觴古質
蘭夫子拯溺眞慈航行水心盡瘁飲冰鬢早霜去年漲
洪澤畚牖操不遑千丈下芟石百川障金湯今年頌允
翁懷柔神所將適來霜降後報賽羅酒漿謂我舊管庫
招我坐華堂謙謙敘主客欸欸及梓桑先生山
西人臨杯忽
不御離緒迴中腸子雲年未髦谷竹
村末疾形欲僵同時
趙邠卿趙復
堂引退姓名藏況復王子敬王世
峯人琴俱已
亡相別纔一載回首天蒼茫新知樂莫樂舊雨行自傷

夫子獨健飯粳鑠神飛揚顧命梨園伎爲余歌清商西
風吹淮浦浮雲翳晉陽驪駒已在門石尤挽我行

是日大風

不能渡河

振翮西飛鵠何日向南方

過邳州

彈丸經古戰秋草沒遙阡飄泊劉元德驍騰呂奉先廢
城殘壘在新堞畫樓懸雞黍殷勤意深慚地主賢

州牧陳禹

門爲余授館
餐送至岔河

守清兄來知砥山弟患噎症頗劇詩以訊之并

以參藥奉寄

冥濛入望空立馬亂峯中忽憶孤山棹梅花一笛風布
衾宵夢冷土炕隙光通爲報故人道詩懷千里同

太安驛雪霽

素嶺上朝日寒光清我心兩行輿繹直一線馬蹄深室
有人棲穴山無鳥在林明年炊餅大擊壤報佳音

解州鹽池歌

解梁之東鹽澤出利賴烝民富居室絲亘百里東西池
海眼通波伏地穴賈瓦赤滿浸山根謂是蚩尤版泉血
我行安邑窺禁門但見顚顚累珠屑旺於春夏縮秋冬

鼓以融風蒸烈日蓄水最忌巫咸侵築堤每防姚暹決
撈丁歲役十萬夫揚花厥堆千頃雪分畦五百別溝塍
配錠三州計斤鎰山西陝西河南三省自從虞舜彈薰琴魚鹽之
利竝璆鐵天官政令有職司百事取供無匱竭管仲謀
國山海收劉晏理財轉運設河東嵯使始元明

盛世豸冠簪白筆事簡乃命中丞兼長蘆淮浙豈能匹
行商坐賈日瘠疲陸運水程皆肘掣奉行都因俗吏玩
催科竟致正供缺熟引未銷生引滯私鹽轉伸官鹽屈
簽差戶戶避追呼淡食家家愁折閱猗頓漸生懸磬憂

牢盆愧乏點金術

帝曰法久則弊生是宜改絃而易轍

敕宣大吏疏其原課歸于丁賦無失貨遷但要區封疆
呵禁不煩遣隸卒官無苛政物力蘇地不愛寶土膏溢
連年渠堰少乾澇長垣委積豐比櫛浮言塞外多越侵
豈識

天家示體卹況有修防屬監司更嚴堵禦森法律耆童
負擔荷生全篋篋簿書捐瑣悉 國之大利民共之推
行天下計非拙

帝德如天歌解阜臣心似水矢清潔

河東大鹽池在解州安邑之閒近安

邑者爲東池近解者爲西池實卽一池或曰此海眼也南有風洞得南風則所收倍入均地立畦分爲五百一十三號課六錠者占一畦十二錠者倍之築禁垣周二千五百餘堵東西中三門曰禁門治畦者自二月止八月其種治也一二三段盈科而進經時水面鹽花浮上謂之搗花以其必擊搗而後成也不用煎用撈池北有姚暹渠爲保障卽古永豐渠隋都水監姚暹所濬未定行鹽地曰生引已報掣曰熟引文獻通考崇寧元年解州賈瓦南北圃池修治沈氏筆談北有堯梢水謂之巫咸河又謂之無鹽河北水入川鹽不復結築大堤以防之甚於盜寇蓋巫咸河濁入滿則淤澱也口外產蒙古鹽詔許由黃河運賣說者爲鹽歸地丁則蒙古鹽無限制不知未歸以前口內食鹽鹽者甚多總由地方官奉行之不善也山西鹽法大壞簽商則病商加價則病民其害不可窮詰課歸地丁實萬世不易之良法矣

晉祠四首

我行晉陽城有泉噴玉雪共源出
夔山雙柱倚天闕石磴懸飛梁
雲根透乳穴匯爲南北池萬古浸
日月昔品江中冷更挹河九折飲
此逾清寒滋味箇中別

唐祖分藩日禱此興義師貞觀發
睿藻雄略想餘姿何年改汾祀
又建叔虞祠桐葉畱圭影溪光
皆倒垂邦人侈報賽羅綺香風吹
頗似江南樂狂殺并州兒千金買
桃李尋檀艷嬌施此風宜厲禁
盍誦葛屨詩

三晉少水利溝洫制無存此渠灌
萬頃四河同一源渠

甲與水甲聯絡廿八村石絃分三七通穴於廟垣拙哉

刀筆吏穿鑿失本根堰成反滋訟治水昧良言

太原志
晉水四

河共溉二十八村田諸堡渠甲水甲司之南河五村北
河十二村中河七村陸堡河四村宋公乘良弼重廣水
利記浚泉爲十分七分循石絃而南三分循而北石絃
疑卽今之石塔也近石塔壤當事者改爲石堰於是南
北河之民爭水無虛日余力主復
石塔之說而有司尚未能奉行也

荇藻被晴川信美汾之曲齊梁駕白雲晉柏垂黛綠毛

髮一以慳煙霞浩盈目不拜吾何敢畱連恨歸速臺駘

實有司甘霖祈大熟小憩兼採風寧學晉溪卜

北史薛
孝通不

拜晉祠王晞詩日落應歸去魚鳥見畱
連劉紫巖集王晉溪太宰卜築於晉祠

題王遂樓江樓倚笛圖

江水無波鳳吹喧
梅花惆悵落吳門
一官簿領春三度
萬里關山月半痕
感舊聞聲思向秀
登臨長嘯和劉琨
我慚庾亮借賓從
清夜南樓共酒尊

題遂樓舉杯邀月圖

桐風淅淅宵未闌
春波蘸綠玻璃寒
酒星渴飲洞庭小
一勺倒浸天宇寬
千百年來無此樂
白眼高歌企寥廓
醉鄉不襲無功記
采石還追太白作
掬月在杯杯入口
月華釀作千日酒
灑成冰雪澆中腸
直嗽飛瓊挹南斗

卑棲枳棘汾水陽三騶對飲未嫌狂舉頭忽見挂明鏡
拍手大叫浮千觴交橫竹柏濛虛庭月中有人來叩扃
是耶非耶立亭亭似夢非夢醒非醒勸爾銷愁萬萬古
不辨誰賓復誰主臥甕寧須折柬招褰帷未恨佳期阻
坐徘徊兮思夷猶廣寒高處接瓊樓杯中有物卽知己
搔首欲問天悠悠形影贈蒼泥青夜蓮池小住娛幽暇
倘逢無月更無朋一卷漢書我能借

後較射篇

并序

余年三十有六出守嶺江一時賓朋稱極盛公餘較

射於紅雨軒日落繼之以燭四做飲中八仙歌口占

長句其詩佚不存今猶記其梗概云老余尚大叫出

籬前羸童負弩相後先華子秋筋骨老尤堅講求毅

率心虔虔宋君屏深目高雙鬚體粗手顛如旌懸陸

生曉初學聳兩肩近來亦能中鼓邊大范芝文射衣

便儂戲撚短箭不滿弦小范芳工射月黑天蒼然響

墮紅燈圓吳髯賓用未射將鬚編拍手一笑美且髻夔

菴興高巧力全白翎一箭五文錢阿咸敬最幼猛著

鞭目不轉瞬身不偏余弗欲射射必穿偶中紅心喜

欲顛其餘都不記憶當時以爲曲盡情態今忽閱廿
五年矣幕中賓從都非昔人惟夔菴與余在暇日諸
公復習射於德圃而余二人老矣無能爲役因用前
韻作後較射篇雜以唐風聊當柳枝之曲播諸江國
彌深嘉樹之思云爾

西圃雨霽槐陰聯三三兩兩行比肩張弓挾矢紛來前

蠶子

范

齒長學有年八字步開躬曲拳善射鮮中心煩

情春廬

程

卓犖氣高審志思一箭勒燕然預習六鈞鳴

鷓鴣王生

沛

畫法窮媼妍彎如却未透毫巔髮黓脫落

弩離弦何郎讀讀律心本堅射亦解操機權偶爾中

的舞便娟綸九吳白面丰度角勝恆林他人先羽飛

過埒風迴旋阿九吳鏗年少目力專時時正破紅暈圓

信乎能事讓後賢回憶京口飛艖船我與夔菴輸俸錢

懸燈賭射宵不眠當時人散如雲煙晨星落落各一天

廿載相對雪盈顛腕弱眼花體拘攣旁觀袖手差安便

諸公弩力毋棄捐灤河羽獵陪

日邊畫戟一中三枝連翎 頌孔翠冠纓鮮載麇馬射

華林篇

題金西樓借書圖卽送之太谷任

昔者漁洋衣錦衣縹緗捆載畫船歸
今君結綬晉川麓
阜囊約束隨金鞵
翛翛伴我琴兼鶴
買書并乏賈生橐
一紙借得任人啣
幾卷攜來付童約
代庖蓮幕奏長技

君熱中韓之學居幕府二十餘年

此去操刀無二理
十年燈火故山深

比戶絃歌秋色裏
洛陽市肆賃王充
皇甫盈車送祕宮
穰人城畔多寶氣
使君獨於書味濃
象谷風來波明媚

鳳山雨歇堆蒼翠
花落訟庭拄笏看
從政新編手親識

薛瑄有從政錄

刀筆簿書俗吏諳
畫餅

以譏名士談他年生
牘

仍還注今日求書未是貪

丙辰九日邀同廩都尉秉鑑遊崇善寺登小五
臺得詩四首

白馬何年寺名王舊蹟靈畫廊通鬼氣古柏納寒青佛
自能超劫樓猶號轉經茶煙颺禪榻黃葉滿軒幹

突兀森方丈居然號五臺諸峯當戶出雙塔入軒來金
粟園空圯銅駝跡未灰河東歌舞地登覽重徘徊

邑人魏一

麓有金粟園
記見邑乘

姑蘇維畫舫昨歲作重陽此地花無菊遙天雁有霜樞

榆明晚照秔稻報秋場插徧紅莢後相思醉一觴

去秋舟過

胥江與熊蔚亭通湛露安郁亭作登高之會今一年矣

知己誰堪數將軍乃好文談詩能避俗禮佛未除葷樹影座中辨耒聲風際聞偷閑剛半日不飲意如醺

井陘關

土門巔天與連門有梯雲與齊劍山之口不可上柏井直下幾千丈旌旗十萬背水出泚上生擒趙王歇初交刎頸頸汚血鹿泉之波聲啞咽晉魏以來襲古徑東門屈居賀拔勝北走常山控眞定太平九塞積沙淨并州

豪傑遵號令

滹沱河

絳衣大冠赤帝子壞雲如山壓賊死河冰未合薄於紙
一夜天風割馬耳澤腹堅凝白玉砥霜雪耀刀光萬騎
渡騰驤河神效順波不揚白衣老父在我旁將軍麥飯
解人意此河之德終難忘清寧匯入寧晉泊故道遷移
無南北賢王相度行焦岡東鹿安流頌

帝力順治十二年滹沱南徙繞藁城北雍正三年東徙
衝東鹿怡親王遣官疏濬舊河由焦岡入釜場河
患以冬之月水歸宅夏之日水過額無風浪三尺有事

惡池禮白璧旱能降雨潦無積使者晝流贈輕策

韓侯嶺

一名高壁舖去靈石四十里嶺後有墳相傳漢高帝征陳豨于代呂氏始韓信

殺之鍾室函首

致帝卽葬於此

窮逢漂母生貴逢呂雉死生死兩婦人頭顱一千里生
時不盜漢家土死後一坏葬風雨早知坐法終當斬滕
公何苦欲活汝鍾離昧死可貸齊蒯通罪可容漢高豈
太刻韓侯亦寡識塢城廢壘哭將軍汾水秋濤濺高壁

方山水

山在壽陽東北四十里多古木唐李通元隱此人呼爲李長者某令伐木修寺

縣民訴於京師
欽使鞫其事且立禁碑

維山有木木自焚維人伐木焚其身方山之木高插雲
通元結屋棲元眞七枚棗柏餐靈芬駝經汲水驅山君
不能禁汝尋斧斤拙哉作俑果何人云修長者廟長者
應長笑吏胥木之蠹山鬼夜相弔

天使來下壽陽車班班

詔煌煌召伯之棠勿翦拜更千百年成棟梁

太行高

黑雲堆天半白日出山足崑崙壯其首黃河貫其腹神
禹行水導此山中原萬里開秦關九折羊腸亘鐵鎖千

重鰲背封泥丸長卿吟苦熱溫公吟苦寒悲哉雁過羽
毛墮熊羆虎豹愁躋攀我官太行南未上太行巔河北
諸州不可辨但見碣石隱隱浮蒼煙武安絕道兵神速
上黨降王盡懾服夏王不用凌生言坐守虎牢車折軸
國初梟賊紛如毛棄甲積與諸峯高天上將軍下鼓角
巖中雷電鳴弓刀百年嶮巖平如削三晉山河拱京洛
雨瀟瀟風漠漠回首白雲子舍空目斷龍門倚山閣

昭君墓

一統志在古豐州六十里今爲右玉縣

塞上冢何纍纍上草何離離碧血未乾心不死漢宮

廢苑土花紫雁門關月照羅綺珮環聲寒玉泉水誰將
王氏女誤作烏孫侶當日願和親報國以身許妾顏甘
學無鹽醜枉殺知己毛延壽君不見香囊鈿盒葬馬嵬
閣道淋鈴秋雨哀

邊城笳

劉侍中眞英雄五馬渡江東并州豪傑皆雲龍磨盾草
檄疾如風上書勸進詞愷切誓擒劉石飲其血萬騎驅
羊九邊雪千里銀沙城上月枕戈待旦背欲裂雪雉未
快平生意一曲悲歌萬行淚廿四友空金谷園斷竹殘

絲不成吹登樓夜半發悲笳戰場髑髏堆亂麻劍光發
水霜飛花故鬼啾啾新鬼哭三十六國人思家一夕解
圍橐駝吼驚風捲地石亂走樓上起舞鷄初鳴高唱扶
風天地清祖生鞭我先盧生交我厚匹礪負心處仲來
哀拍流傳擊銅斗

萊公墅

太原府南六里有寇莊相傳
宋寇萊公別墅今遺址尚存

羅江東寇巴東柔情不斷蘋花風海康館春陵館無邊
春色江南滿汾水之湄陽曲邊樓臺特地鬱風煙想當
調兵西夏日相公別墅此其一湘簾如水蠟成山野渡

寒星半明滅 州齊唱公無渡相公飲博謹如故九重
御蓋出雲中萬歲呼聲騰露布冀國飛讒眷寵衰城下
之盟怨孤注歌舞繁華事已虛北門宮鑰無人居插竹
生孫想遺愛誰云不讀霍光書

寧武關

明總兵周忠武遇吉
戰歿處今祠墓猶存

破軍星墮賊蜂起皇來兒召李公子柿園一敗西安亡
赤蛇徑渡黃河水太原已失逼忻口視遠樓煩尚可守
將軍奉命鎮嚴關刀決陣雲虎虓吼逆賊城圍三堵牆
將軍礮發如電光十番攻具兵力竭徒手巷戰不可當

家兒帶劔控金鏃汾水怒濤飛瓦屋閨中桴鼓韓斬王
境上旌旗岳武穆三邊砥柱支半壁將軍一死遂亡國
宣府大同降表來煤山烽火宮闈逼管涔波湧戰血高
陰沙慘淡風怒號鐵騎關前血汗下行人塞外心魂消
側聞雁門秋雨長沙擁石麟忽十丈春風無恙十三陵
竝公高冢畱天壤乾隆五十一年開寧武大水忠武鳴
墳忽沙湧高十餘丈水不能沒
呼三晉接三秦設險當思將帥臣立馬蘆芽山尋廢壘
一尊祠下酌將軍

翁覃溪帥作元遺山先生年譜先以重修先生

墓記略一冊寄示時將赴忻州訪先生祠墓以
事不果悵然有作

慷慨幽并俠氣存風煙悵望秀容村丁年志墓仍鐫郝
郝經墓銘云歲丁巳

秋九月遣山先生卒

甲集編詩誤入元賴有中州傳杜

學未成野史恨金源蘇齋手訂遺山譜正變風騷與細

論

先生不仕元而顧俠君
元詩選編入甲集誤也

五雲樓閣雪香天荆棘銅駝臥暮煙麗澤瘦憐疎柳外

熙春夢到百花前興亡洛下陸機辯哀怨江南庾信篇

畫像祠堂忻口隔蒼茫元氣太行巔

山西省志宋以忻
口南北諸村落歸

州忻

讀中州集做元遺山論詩絕句六十首

故都圖畫劫灰餘，賴有明昌祕府儲。嗜好宣和酷相似，

軟金杯曲瘦金書。

章宗

湖山景勝一江分，異國君臣艷聽聞。不唱耆卿海潮曲，

何來十萬射雕軍。

海陵王

一甌春露誦蓮華，寂寂樛軒帝子家。對榻尚容詞客坐，

畫堂深處轉琵琶。

密國公

錦鞵突騎渡江時，往事傷心筮坎離。鄴下西園盛賓客，

可能清夜少陳思

党懷英

長句鱸錘字字珍屠沽敢與聖賢倫出藍尚有遺山叟

未信低頭步後塵

趙秉文

賦畫龍山迴出塵墨梅寫影欲離神若爲拈出龍沙句

只道明妃怨曲新

劉仲尹

豸冠謫後桂堂空循吏詩留葉縣中壞壁蓬門秋雨滴

歸潛一志續家風

劉從益

得法平原趣轉深黃山妙墨共詩尋寒驢好句少人繪

放遠亭前花一林

趙渢

龍巖三絕畫詩書珍閣銘垂百八珠特地皇天開老眼

任君謨勝蔡君謨

任詢

承平馬上坐郎君明府詩吟大定春撚箭彎弧只堪畫

驢駝崩外早行人

史旭

指法相傳記累錢天寒貂帳賜宮前翰林待詔南宮手

豈俟知音五百年

喬辰

柳眼多情賦小詩蕭蕭夜雨泣蛾眉一官五品言終驗

零落衰顏劉左司

劉昂

歲寒堂外易黃昏國政陵遲不可論歸去來辭書一卷

印須我友賦蓬門

史公奕

塞上田侯燕子圖蠟九無恙十年書雙飛不見才卿畫

七字長歌尚起子

龐鑄

慷慨陳書諫南伐先生直節似陽城伊川亭上年方老

重過嵩山憶舊盟

許古

鑿開混沌闢牛首抱得銀蟾上玉虬自古奇才遭屈抑

飛山休怨白浮鳩

高廷玉

便宜十事惜空陳臺諫名齊許道真驄馬餘威人尚避

弔人自弔總傷神

陳規

橫溪拄笏看崆峒，割盡吟鬚笑此翁。腹貯離騷談世事，

誰憐阮籍哭途窮。

馮延登

九衢燈暗月如波，妙句傳來恨不多。未信瓣香傳仲澤，

合教萬里拜東坡。

高憲

彈琴師古不師心，變化還從舊譜尋。雁叫寒更拍秋水，

吹簫時復作臯音。

李英

不居殿閣侍金鑾，城旦書成膽已寒。釀得松醪助詩興，

春風滿座鬪香蘭。

馮璧

煙霞亭子句難描，綠界銀河水一條。欲挽淵明出蓮社，

平生三恨不全消

宋九嘉

短小詞人黑有髭金吾家世本來奇
酣吟忽被高堂譴

羨殺金魚墮地時

李獻能

玉華嵩嶺記同遊
仙語琅琅夜不休
試與遺山論舊事

浮雲盼斷古幽州

王渥

蓮花峰下評詩句
水散荷盤大小珠
徧誦遺編太枯寂

傘簷風緊繪成圖

張建

一篇中聖賦爭推
次韻蒙求未可非
春雪詩成堪摘句

南華夢好蝶初飛

王琢

得錢換酒酒人招錯把鶯黃喚阿嬌醉倒狂吟衣盡脫

春缸怕冷護寒宵

段繼昌

笑談樽俎足陶心屬對尖新孰賞音樂府流傳詞絕妙

莫鴉庭院淡春陰

劉勳

掉頭吟諷疾如風聳壑昂霄驚乃翁萬卷圖書噉三尺

辛元同調孰稱雄

劉昂霄

筆頭鬼語李長吉又見滄州田紫芝李媪前身驚破面

一燈無語蝶歸時

田紫芝

風前有淚寄卿卿得句翛然別帝京不信李家湯餅局

廿三年後作悶生

史學

刻苦爲詩笑子遷盤盤古鏡拭榛煙扶雲才大無人識

彈缺悲歌伯玉篇

李夷

九疑龍竹怨湘娥甲第秋風薤露歌花月茫茫人不見

鳳凰城下臥銅駝

侯冊

十月風霜病骨寒黃昏隻影對黃冠花開花落春光好

夢裏題詩墨未乾

王元粹

騎風御氣似長庚不控長鯨控大鵬負出絲囊天一笑

名山何處訪飛升

王鬱

木奴酸味吟秋鮓楚澤寒蘆賦雪花若假天年資博雅
不應永柱讓劉父

郭用中

文章脆弱關元氣少實多華笑制科朵殿題分天統合
太常奏賦挽頽波

趙之傑

四圍花竹小斜川怪石羅胸腹筍便醉後狂吟頭插筆
人人燕市識張髯

張穀

清風鐵面宗平叔日食三升歲一袍問事客來無別語
了吾官事課兒曹

宗端修

十一能文劉住兒宮中賦出鳳來儀如何詔賜經童後

春柳單傳七字詩

劉微

嘯咏時邀杜仲梁行軒幽絕橘軒香潮來天地破清曉

十字詩真歷草堂

張澄

雪滿南湖夜放歌一天詩思獨乘騾棄瓢調笑鷓夷子

此老風流厭苧蘿

靖天民

一賦咀龍真橫絕幽并豪氣晚猶存平生怪物供驅遣

火雨兵書十萬言

高永

女儿高居箕穎同巢由無句傲清風溪南渡口誰過訪

憔悴遺山一老翁

辛愿

鈔書從事苦低頭左史高吟四座秋古月不收三萬里

憑君放棹一丹邱

李汾

東巖有子虎斑斑一卷遺詩手自刪白石楓林溇水上

至今人識讀書山

元德明

鶴鳴詩格費清研四十餘年七百篇燕邸淒涼看小錄

蔡州迢遞暮雲邊

李用章

二米風流見一斑歲寒三友筆蕭閒燕臺一去無消息

牢落江南庾子山

王萬慶

元白齊聲長慶年科名又見兩家聯龍韜玉唾茅亭上

天籟還傳仲子編

白寓齋

陳言如直句如山清入詩脾契象先真欲嘔心爭造化

未窺全豹憶陶然

楊鵬

遮斷黃塵五百春翛然雲鶴認天真嗤他芍藥薔薇句

枉把工夫學婦人

王中立

赤脚金環翠屨雙狂能把筆寫山淙夜來石鼎新聯句

只有彌明健筆扛

王南雲

撒手懸崖喚奈何初心烈日竟蹉跎落花艷句工無敵

漫學空門決定歌

王或

一代名高不受官百年清氣得來難
河汾諸老精靈在

王屋中條拄笏看

麻革

那知耳畔有驚雷七子金蓮拔地開
鐵罐長歌行乞食

人間只道害風來

王嘉

大席橫空坐列星凜然膜拜夢初醒
靈山自有元珠采

誤殺癡人北斗經

譚處端

去國孤臣拚九死外家別業帶春星
中州文獻憑誰訪

太息空山野史亭

元好問

宮禁曾呼才子來遺山壁壘倚天開
前人妙句供驅遣

錦段何曾費翦裁

先生好用古人成句舊有錦機集

西園載酒感前遊
胸次崔巍壓九州
流水沄沄夕陽下

杏花時節獨登樓

集中杏花詩最多

慷慨論詩句有神
蘇黃以後導迷津
不逢滄海橫流日
爭識扶釐立極人